



Mariuschla Beer- Monn

* 06.01.1912 - † 24.06.1998

In bellezia di da stad - tut nunspitgadamein - annunzia il zenn da s. Vigeli la mort da Mariuschla Beer-Monn. Cun la speranza e cardient-scha enten ina nova veta ella patria celestia ha el bandunau nus.

La Mariuschla ei naschida ils 6 da schaner 1912 a Camischolas sco feglia da Gion Felici Monn ed Onna Maria, naschida Cavegn. Ensemens cun 3 soras ed ina frar ha la defuncta passentau sia affonza a Camischolas el ravugl d' ina buna famiglia cristiana. Suenter haver frequentau las scolas a Sedrun e Camischolas ha ei tuccau a Mariuschla da prender sac e pac

e serender egl jester per gudignar il paun da mintgadi e segidar cun ils ses. Aschia eis ella stada cuort temps sco fumitgasa a Lucerna. Returnada el vitg nativ segida el culs ses da casa el puresser. Igl onn 1946 meina Mariuschla il giuven Gion Aluis Beer da Surrein agl altar da nozzas. Els secasan a Zarcuns e fan il pur. 4 affons vegnan schenghegiai alla ventireivla letg che portan bia legria, mo era lavur e quitau. Grond plascher e quitau ha la defuncta era giu da siu beadi Patric zacons onns. Igl onn 1991 miera igl um Gion Aluis en consequenza d'in accident. Suenter ina ruttadira d'in calun sto la Mariuschla bugen ni nuidis bandunar la carezada casa paterna e serender egl asil s. Vigeli. Malgrad las grondas stentas davart dil persunal e beinmanegions cussegls dils ses sesenta la Mariuschla buca bein ella casa dils attempai. Ella lai encrescher per Zarcuns e per la natira che porscha tonta libertad. Ils 24 da zercladur cloma il Tutpussent sia survienta a casa ella nova patria. Parents ed enconuschents accumpognan ella ils 26 alla fossa sin santeri sut s. Vigeli.

La defuncta ei stada ina femna ruasseivla da siu fatg. Per ils ses ha ella adina giu bien quitau e mess tuttas forzas a disposiziun. Ella ei stada ina capavla casarina e pura. Carschida si els cuolms scheva ella inspirirar dallas bellezias che la natira porscha a nus. Aschia eis ella serendida stedi per pitgognas e schau fascinar da quellas. Ussa ha ella terminau il viadi terrester e nus sperein ferm sin in seveser culla cara defuncta. Ella rauassi en pasch!